



Aatsitassanut Ikummatissanullu Pisortaqarfik
Att.: Maja Sofie Burgaard

Kujataani 3D sajuppillatsitsinerup ingerlannissaanut qinnuteqaammut tunngatillugu tusarniaanermut NNPAN-imit akissut

26. maj 2011
Sagsnr. 2011-050563
Dok. Nr. 638035

3D sajuppillatsitsinerup ingerlanneqarnissaanut qinnuteqaammut (akuersissut 2008/13 aamma akuersissut 2008/47) tunngatillugu tusarniaaneq ulloq 4. maj 2011-mi Nunamut Namminermt, Pinngortitamut Avatangiisinullu Naalakkersuisoqarfimmit tiguneqarpoq.

Postboks 1614
3900 Nuuk
Tlf. (+299) 34 50 00
Fax (+299) 32 52 86
E-mail: nnpan@nanoq.gl
www.nanoq.gl

Immikkoortoq qinnutigineqartoq Kingittup, Saqqarmiut, Sallit aamma Uummannarsuup eqqaaniippoq.

Misissuinermt piffissatut ilimagisaq 2011-mi junip aamma augustip akornaiippoq. Misissuinerit ilimagineqarpoq sapaatit akunnerinik 6-7-nik sivissuseqassasut.

Nalinginnaasut

Immap itissusaa (1500m aamma 3100m) NNPAN-imit maluginiarneqarpoq neriuutigalugulu immani taamatut ititigisuni aatsitassarsiornerit sunniutaanut tunngatillugu ilisimasat naammattut aatsaat pigineqalerpata qillerinissamut assigisaanillu ingerlatsinissamut ingerlatseqatigiiffik akuerineqassasoq.

Imaani miluumasut allallu uumasut pisariaqanngitsumik aatsitassarsiornerit sunilluunniit akornusersorneqannginnissaat NNPAN-imit assut pingaartinneqarpoq. Tassunga atatillugu NNPAN-imit noqqaassutigineqarpoq sajuppillatsitsilluni misissuinerit nalaanni avatangiisit pinngortitarlu eqqaaniittoq immikkut sissuorneqassasut. Sajuppillatsitsilluni misissuininissanut ingerlaarfissat imatut pilersaarusionerqassasut uumasut pisariaqanngitsumik akornusersorneqannginnissaat NNPAN-imit nalinginnaasumik takorusunneqarpoq.

Kapitel 8 Environmental Protection Plan

Immikkoortoq 8.1. naammassillugu allanneqarsimanngilaq.

Malittarisassat nakkutilliinerillu

Uumasut annikinnerpaamik sunnerneqarnissaat qulakkeerniarlugu sajuppillatsitsilluni misissuinermt atatillugu NERIp aamma JNCCp (Joint Nature Conversation Committee) najoqqutassiaasa atorneqarnissaat NNPAN-imit pitsaasutut isigineqarpoq. Sajuppillatsitsilluni misissuinerit ingerlanerini sallaatsumik aallartinniarneq aamma immikkoortumi misissuiffiusumi imaani miluumasunik immikkut sissuertussanik alaatsinaattoqarnissaq aamma uumasunik takunnittoqartillugu qanoq iliortoqarnissaanut erseqqissunik najoqqutassaqarneq immikkut pingaaruteqarpoq.

Nunat tamalaat isumaqatigiissutaat

MARPOL 73/78 malittarisassanik ingerlatseqatigiiffik naammassinnimmat eqqakkallu imikoorutillu avatangiisinut eqqortumik isumagineqarnissaaat NNPAN-imit erseqqissaatigineqassaaq. Imaani avatangiisit pillugit nunat tamalaat malittarisassaat isumaqatigiissutaallu eqqortinneqarnissaat NNPAN-imit aamma naatsorsuutigineqarpoq, soorlu aamma imaani avatangiisit illersorneqarnissaat pillugit Inatsisartut peqqussutaat nr. 4, 3. november 1994-imeersup malinneqarnissaa naatsorsuutigineqartoq.

Inussiarnersumik inuulluaqqusillunga

Uiloq Mulvad Jessen
Natur- og Miljøafdelingen
Toqq/direkte 6708
irum@nanoq.gl